

Etíyén ingi Sol

Imbi jamaño m'anfiyumne Yensa
Jerusalem, ayikyik údiigeen m'aretuh
Etíyén. Díino anahemnah k'apiren akaanah
tamaasereño ingi h'alaalahne jamaño. Faka
Jamméejhu Díino anéneer Etíyén lóndo
dáde k'apiren akawand jamaño ingi sembe.
Kanda h'alóbne, súumuron Ñanyahudo
índukonjo. Jantenten misaalhu Etíyén.

⁸ Angu údiigeenno m'ayéjuhne Etíyén,
úmár Díino anahemnah dáde
k'apiren akaanah tamaasereño ingi
h'alaalahne jamaño. ⁹ Agida waato
nómár Ñanyahudo menjen menjen
ingi jaamehinin. Ayikyik jaame adúk
n'anyéjehne Jaamehu Ñansóogo
M'ambénnaane. M'anfúruntné a

akooroŋo n'aretuhne Siren ingi
Aleksandári ingi Ñanyahudo
m'anfúruntné Silisi ingi Asi a
jaameŋo nómar gansaliyehne. Angu
índiigeeno immeren mi jaameŋo
ámár ankomb simbááhayo ingi
Etiyen ¹⁰ kanda pirendom maro
Jamméejhu Díino anéneer Etiyen
lón do dáde. ¹¹ Banfégi maro
pirendom anjokula k'andék ancaam
índukon k'andek ampuñ gurethu
Etiyen. K'angu andék antéekineh
jamaŋo maro Etiyen gapuñopuñ
gurethu Anabila Musa ingi gu Díino
mees. ¹² Nim índiigeeno immeren
anjodamne Etiyen ki jamaŋo
ganyennehini añuumul dáde.
Ñanlaamero ingi ñankeekihu

Hañaañeno immeren mees
añuumulñuumul fanfan. K'angu
andék anhub Etiyen k'andékirem a
Tilibinaalo Adénno ¹³ Anfak andooh
m'anjodamemne k'andékureenin ba
na. Bampúti anyéj ñamhu Tilibinaalo
Adénno:

- Ningen ban! Údiigeeno ummu,
Etiyen, gurethu Jaamehintor Adénno
ingi luwananku Díino gapuñohne
abena! ¹⁴ Ingah! Mint
iyennehinminyennehin n'ayéjehne
Yensa mu Nasaret anjoolinekinah
afili Jaamehintor Adénno k'afúnn
hodeemayo ho Musa abéndurne
nanka mintor. Nim índiigeeno
anjodamne Etiyen.

(Acts 6:8-14)

Angu Ñanyahudo m'antohne a jaame adúk anñuumulñuumul ingi Etiyen. Gúduk ayik índukoŋ a jaamehinin m'anfiyumne Yensa a gubaarhu kawandhu Etiyen. Angu anuyeenin k'andék ancaam índukoŋ k'andek ampuñ gurethu Etiyen k'andékirem a tilibinaalo ki jamaŋo annenámem. Índukoŋo anyéj, «Ningen ban! Údiigeeno ummu, Etiyen, gurethu Jaamehintor Adénno ingi luwaŋanku Díino gapuñohne abena! Ingah! Mint iyennehinminyennehin n'ayéjehne Yensa mu Nasaret aŋoolinekinah afili Jaamehintor Adénno k'afúnn hodeemayo ho Musa abéndurne nanka mintor.»

Angu, hóge Yensa, nim gayéjne? Wówo, yéjahadaŋ nim. Hoge Etiyen ayéjyej nim?

Wówo Etiyen yéjahadaŋ nim. Jamaŋo
anjodamemjodam.

Úfegen, Iblisa súumurom ni m'anfiyumne
Yensa Jerusalem anrumunne. Asíibáásiib
bukoomunku m'anfiyumne Yensa
Jerusalem. Ikaanumi ayéj, «Aji ipiren ikaan
ki jamaŋo ambuj Etiyen, gúduko
m'anfiyumne Yensa Jerusalem
ambenukuneh k'ambén binaahu Yensa.»

Inini, jantenten k'uyennehinen
h'awusunane a tilibinaalo. Jantenten
Gúloku Díino.

¹ Angu alimaamo adénno ayéj Etiyen:

- Hóge inho h'anlóbne marigen?

² Etiyen anoyindeeniŋ:

- Ninkinan índoonenenkum ingi
imbeŋ báábinenkum, kanteŋ na
ilaahánan a h'édekehne balóbhánan.
Fam, maamankintor Ibrahiima
jandiŋ badékumne a bukooro
b'aretuhne Haran, a didiirahu
Mesopotami gaguyerne. Angu
f'agune bim Díino afútifut ingi
leerhinem a binaanam ³ k'ayéjem:

*Kenger k'úfur a didiiraŋo indi
k'úbenn na jamankan k'údek ba a
didiiraŋo d'ídekehne bujellihinken.*

⁴ Nim Díino atéekinne Ibrahiima.

(Acts 7:1-3)

Ho Etiyen alóbne a tilibinaalo awúurwuur
dáde. Alóblob a gubaarhu Ibrahiima,
Yankuba, Yisuf, Musa, Dawuda... k'atéekin

ñamhu tilibinaalo ho Díino akanne imbi
jamanku Israyel biriman waathu Ibrahiima
baman a waathu Yensa. Ajellihineeni
mara immeren jamanku Israyel
ancucuncucun anabiyononjo jup iniman
n'ancucunne Yensa.

Jantenten ni Etiyen abujorumne
gúlokunom.

K'angu Etiyen ayéjeeni:

⁵¹ – Kanda ninkinan ulaalenlaal bigof
k'urokon ilaahánan k'ufoyon
buyennehino ni Díino ahuyhoonunne.
Ninkinan biriman fam gufoyejne
buyennehinduku Jamméejhu Díino
Jarenninno ininkaman
maamaamankintor n'anfoyerne
buyennehindikinem fam. ⁵² Ingah!

Maamaamankintor anyehenyehen
anabiyononjo nip, yikireŋ m'afalla.
Ambujbuj anabiyononjo m'anlóbne gu
bandór a gubaarhu Úwuuhinno mu
immerenŋ anyéjehne adék adékikineh.
Kanda Úwuuhinno bapútri
ujuliyahamaŋ k'abujaa.⁵³ Imbeeranŋ
anjahne Luwaŋanku Díino imbi
maleekaŋaŋo? Eke maŋ mintor, te
ninkinan utoheŋtoŋ na. Kanda hóge
ninkinan úbuuñahenbuuña luwaŋaŋo
ámáraŋ? Búuñaaaronŋ!

⁵⁴ Angu fo Etiyen alóbne nim ñamhu
tilibinaalo anñuumul f'anrumun tip
baman a hafitenkinin. Ankabah
habiilhinin.⁵⁵ Kanda Etiyen mungu
Jamméejhu Díino Jarenninno
arumunrumun a binaanam tip. Angu

aning a raafu. F'aningne a raafu
ananden leerhu Díino ingi Yensa
mees n'awonn a silakánam jiyaaho.

⁵⁶ Angu ayéj jamaño:

- Ingah! Ífefeg burukumbanku
arjanna n'akimbulaane ingi
Údiigeeno M'acaabenaane
n'awonnáne na a jiyaku Díino.

⁵⁷ Fo Etiyen alóbohne nim ñamhu
Tilibinaalo anrok ilaño ki biki
anyennehin ho Etiyen anane balóbo.
Angír anlaham ⁵⁸ k'ambááhám
f'andék anfúnnurom a saariño.
F'anfúnnemne a saariño
m'anséediyane dam ho Etiyen alóbne
anwurañ hasolhánin ambéndur
hambaaniño m'aretuhne Sol. Angu

antot bawaalo k'angikem ambujom.

⁵⁹ F'anɲane bupadhánam bawaalo
Etiyen akiina Umuyhintor ayéjem:

- Umuyhum Yensa, ikiinahen ujah
háteerhum!

⁶⁰ Aruɲa k'apeej ayéj Díino:

- Umuyhum, bonkerereeniɲ
k'uyaafuɲeeniɲ a jínubonkánin.

Balóbi nim aniiro.

(Acts 7:51-60)

Angu Etiyen aniironiirro. Jamaɲo andoodooh
bawaalo k'ampadam f'adék aniirro. Upiren
úyej mara Iblisa akankaan ki jamaɲo
ankoomun Etiyen. Kanda hóge marigeno,
ankoomunkoomun Etiyen? Wówo, Etiyen,
jandiɲ baniromne, bífegeren beeran

gafégne?

Gúloku Díino ayéji:

⁵⁵ Kanda Etiyen mungu Jamméejhu
Díino Jarenninno arumunrumun a
binaanam tip. Angu aning a raafu.
F'aningne a raafu ananden leerhu
Díino ingi Yensa mees n'awonn a
silakánam jiyaaho. ⁵⁶ Angu ayéj
jamaŋo:

- Ingah! Ífefeg burukumbanku
arjanna n'akimbulaane ingi
Údiigeeno M'acaabenaane
n'awonnáne a jiyaku Díino.

(Acts 7:55-56)

Ha, Iblisa koomundon Etiyen! Arinku Etiyen
aniirone kanda úmár faŋo adékdek adék

aguy imbi Yensa. Gúmár akanne Etiyen,
f'anjane biniironjo ayéj, «Umuyhum Yensa,
ikiinahan ujah háteerhum!»

Iblisa koomundon Etiyen. Faka koomundon
m'anfiyumne Yensa Jerusalem. Iblisa
asíibáásiib ki m'anfiyumne Yensa Jerusalem
ambenuh dáde k'ambénn binaahu Yensa.
Kanda m'anfiyumne Yensa Jerusalem haani
n'anfégne údonkánin n'aniirone, hómár
kandan k'ambénn binaahu Yensa.

Immeren anlentalenta gúloku Yensa
f'ayéjne,

²⁸ Ninkinan, dahu ubenuhen jamaño
mara immeren ampiren ambuj arino,
kanda dampiren k'ambuj háteero.
Ninkinan, jandin bú dewunumen

ñanraagofonjo, uñantay ubenuhen
Umuyhintor. (Mat 10:28a)

Angu, a waato nómár m'anfiyumne Yensa
Jerusalem anfanunum n'ayik sembe.

Jamaño ampiren ambuj m'anfiyumne Yensa
iniman n'ambujne Etiyen, iniman n'ambujne
Yensa. Kanda aji ufiyumi Yensa, hatéken
daniiro, aguyhunek imbi Yensa arjanna
bandór. Angu, k'infiyumon Yensa dáde
iniman ni Etiyen afiyumemne.

Inini, ba balób a gubaarhu údiigeeno
m'aretuhne Sol. Lentaarenj mara Sol ingine
hambaanijo m'amaraherne bayaku Etiyen
fo jamaño ambujemne.

Jantentenj Gúloku Díino.

¹⁻² Angu Sol, hambaaniño
m'awonnáne na bumarahu bayaaho,
úmár mees alókiloki k'ambuj Etiyen.

Angu inini, índiigeen índukon
m'ambúuñahne Díino dáde andék
andooh búgáku Etiyen k'andék
anwúbom k'anhoon dáde.

Afúrumi dam, d'ambujne Etiyen,
jamanku Jerusalem ganyeheneyehen
dáde m'angune a dayrahu Yensa. A
waato nómar ñanfiyunku Yensa
anfisayne a resiyononku Júde ingi
resiyonku Samareya.

Ñambúuñuraño bareñ anfallane na
Jerusalem.

³ Sol mungu gayeheneyehen
m'angune a dayrahu Yensa dáde.

Agida asíibáásiib k'akoomuneenin
nip. A díg díg gadékehne adak anan
k'afúnnureenin k'ahubeenin
k'ampiren andékureenin ba a
kasonjo, údiigeen ingi udikaam.

(Acts 8:1-3)

Angu Sol fiyinden Yensa. Dómáronj mara
Yensa ingine Úbáku Díino. Dómáronj mara
Yensa akengkeng a biniironjo. Úmár alah
mara m'anfiyumne Yensa, bujodhu jamaño
ganjane. Ayéji mara Yensa faño ajodjod
jamaño. Angu fo Sol anyehunne
m'anfiyumne Yensa Jerusalem, úmár alah
kara gudohoku Díino ganjane.

Sol alahlah binaahu Ñanyahudo dáde.
Gayéjeyej, «Me ipokunpokun Díino. Síibiira
ki m'anfiyumne Yensa anjod jamaño

k'ambénn binaahu Díino, binaahu
Ñanyahudo. Angu iyohenkineh, ibujhuneh
m'anfiyumne Yensa mara immeren
ganjodojod jamaño k'ambénn binaahu
Ñanyahudo. Díino asíibáásiib k'ikaan
hómár.

Angu Sol amímiir ingi jamaño a waato inno
m'anyehunehne m'anfiyumne Yensa.
Immeren anlah mara Díino asíibáásiib
k'anyehuneeniñ. Ganyéjeyej mara
buyehunku m'anfiyumne Yensa ingine
dohohu Díino! Díino asíibáásiib k'anyehun
k'ansutun k'ammal k'ambuj m'anfiyumne
Yensa. Kanda ho immeren anlahne,
marigen giren! M'anfiyumne Yensa, a
binaahu Díino gangune. Immeren jarku
Díino. Angu, aji ufoyi jarku Díino, ufak
ufoy Díino, Bááhánin. Aji umali

m'anfiyumne Yensa, akankáneh iniman
umalmaal Díino. Kanda Sol pájiireŋ hómár.
Gayéjeyej kara dohohu Díino gakaanahne.
Jantenteŋ Gúloku Díino.

¹ Angu, fo Filip aroŋne a resiyonku
Samareya, a waato nómár údiigeeno
m'aretuhne Sol n'aron butengahu
ñantaalibehu Umuyhintor maro adék
abujháneeniŋ. Adék k'akiina
kayerenjo imbi alimaamo adénno no
Ñanyahudo, ² maro úmár Sol
ayikhineh binaal k'adék alah
ñanfiyunku Yensa, índiigeeno ingi
indikaamo, k'apiren adékureeniŋ ba
Jerusalem. Agida Sol n'ahaaja
kayerenjo kámáran k'adék anээр
ñanlaameku jaamenjo a bukooro

b'aretuhne Damas. Nim ayik binaal
bulaku ñanfiyunku Yensa a bukooro
búmár. (Acts 9:1-2)

Angu fo Sol afégne mara m'anfiyumne
Yensa Jerusalem anfiyayfisay k'andék
benen benen, Sol adék atíbayreeniṅ.
Asíibáásiib k'alaheeniṅ k'anoyinteeniṅ
Jerusalem k'akimbeneeniṅ. Ayennennehin
mara m'anfiyumne Yensa jup angírgir ba
Damas. Damas ingine kapitalhu Siri,
bukooro b'antéejayne ingi Israyel. Angu Sol
asíibáásiib k'adék ba Damas k'alah
m'anfiyumne Yensa, m'angírne bim. Kanda
guliho añantay atíb kayereṅo imbi
alimaamo adénno Jerusalem. Aji ayiki
kayereṅo kámáránṅ ayikhineh binaal ba
bulaku jamaṅo a bukoor búduk
k'adékureeniṅ Jerusalem.

Bajahi kayereṅo kámárán Sol atunul
hadéko ba Damas. Úmár, ba Damas ba
bulaku m'anfiyumne Yensa m'angune bim.
Inini, eke Sol uraagof újondon? Oo,
marigeno, jóndon. Inini, hóge Sol mu
jóndonne, hóge úmár apiren afiyum Yensa?
Ah, ínfekunon h'adékehne guyiko.

Jantenten Gúloku Díino.

³ Angu Sol bajahi kayereṅo atunul
hadéko. Badasi bukooro ayik jiyaan
jíde j'áfurumor a raafo, k'awúnnor
Sol. ⁴ Fo Sol afégne jiyaano anen fip
a réeṅo. Baneni anyennehin jinaṅ
j'alóbohne ingi úmár ayéjem:

- Sol! Sol! Horaṅ akanne úfegunkum
ineen?

⁵ Angu Sol bayennehini hómár
awaala ayéjem:

- Ulaamekum, fi hantaŋ?

Síngiirro símár awaala ayéjem:

- Me Yensa m'uyehenehne. ⁶ Inini,
kenger k'údek ufaalen ba a bukooro.
Gúputi uyennehinkineh h'oñantane
ukaan.

Nim Yensa ayéjne Sol. ⁷ Angu
índiigeeno m'ankokayne ingi Sol
f'anyennehinne síngiirro anwonn
ankota sii. Bollendenen balób maro
fégirenen faka wúuro
m'alóbumohne, k'anyennehineh
síngiirro bareŋ.

⁸ Angu Sol akeng. F'akengne
pirenden k'afég maro apímpim. Angu
anlaham k'antulenem hadéko baman
a bukooro b'aretuhne Damas.

⁹ Bampút na Sol anooh na buruhu
ásibanj alallanj, kanda pirenden
k'afég. Yaahálaaranj, ruuhuronj
haman hotir.

(Acts 9:3-9)

Angu Sol banj hadéko ba Damas anrah
ingi jiyaanj j'afúrumor a raafó. Bafégi
jiyaanj anen fip a réenjo. Baneni ayennehin
síngiir s'ayéjehem, «Sol! Sol! Horanj akanne
úfegunkum ineen?» Angu, hantanj
galóbohne ingi Sol? Yensa! Jiyaanj
j'afúruntné a raafó a arinku Yensa
gafúruntné. Kanda horanj akanne Yensa

ayéj Sol, «Horaŋ akanne úfegunkum
ineeŋ?» Sol, m'anfiyumne Yensa
gafégunehne. Kanda Yensa ayéj Sol mara
úmár faŋo, Yensa gafégunehne.

Úfegen, aji jamaŋo anyehuni m'anfiyumne
Yensa, Yensa faŋo ganyehunehne.

Angu Sol ayéj Yensa, «Ulaamekum, fi
hantaŋ?»

Yensa awaala ayéjem, « Me Yensa
m'uyehenehne. Inini, kenger k'údek ufaalen
ba a bukooro. Gúputi uyennehinkineh
h'oñantane ukaan.» Nim Yensa ayéjne Sol.

Inini, Sol apápájul mara Yensa ingine
Úbáku Díino. Úmár jodáron jamaŋo.
Marigeno, Úbáku Díino adékridek a
duniyaŋo k'aniiro k'acaam jínubonkintor.
Inini apápájul mara Díino akengunemne a

biniironjo. Afégemfeg! Ayennennehin
síngiirhinem. Angu Sol ankúbulkubul
jamméejhinem a gubaarhu hójondongo
h'akanne. Inini abénhineh buyehenku
m'anfiyumne Yensa. Úmár faño
afiyumfiyum Yensa. Inini apápájul mara
dohohu Díino ingine butifilinku Yensa ingi
bukaano ho Yensa ayéjne.

Angu Yensa ayéj Sol, «Inini, kenger k'údek
ufaalen ba a bukooro. Gúputi
uyennehinkineh h'oñantane ukaan.» Sol,
bakengi, pirenden k'afég maro apímpim.
Angu, anlaham a silah k'antulenem baman
Damas. Bampút Damas anooh na. Kanda
Sol, buruhu ásiban alallan pirenden k'afég.
Yaahálaaran. Ruuhuron, haman hotir.

Jantenten Gúloku Díino.

¹⁰ Angu a bukooro búmár ayikyik
utaalibehu Umuyhintor m'aretuh
Ananias. Angu Ananias a
bífeveren b'afégerne akaan
ininkaman Umuyhintor afútne a
binaanam k'ahuyom ayéjem:

- Ananias!

Ananias awaala ayéjem:

- Umuyhum, me mo bim
n'ibentenduko.

¹¹ Angu Umuyhintor ayéjem:

- Inini, Ananias kuku údek ba a
binaalo b'aretuhne Binaalo
Bíwuuhinno. Úputdir údek ba imbi
údiigeeno m'ayéjuhne Judas.
Úputdir umiihul údiigeeno

m'aretuhne Sol, Sol m'abosaane a
bukooro b'aretuhne Tarsu. Déker ba
na maro Sol gukiinahum ganane.
Kanda ganay salijo ¹² awosen maro
fi Ananiyas údekhineh ba na k'unan
a gufaco. Gunani úlobundom
halakan ki nim apiren k'afég. Nim Sol
afégne f'anane salijo. Inini déker ba
na!

¹³ Angu Umuyhintor balóbi nim mees
Ananiyas lókiirenj. Ayéjem:

- Umuyhum, eke úmár jamaño
ganlóbolob anyéj gayeheneyehen
jamaño m'anfiyumenne m'angune
Jerusalem? Ifak iyennehin maro

¹⁴ úmár ñanlaameku alimaamaño
annéeremneer binaal k'adék alah

jamaŋo nip m'anramunkohne a
bukooro umbu. Hómár gadékuntne.

(Acts 9:10-14)

Angu Ananias abenuhbenuh! Me mees
ibenihineh de! Ananias apápájul mara Sol
adékridek Damas k'alah m'anfiyumne
Yensa k'anoyineeniŋ Jerusalem
akimbeneeniŋ. Inini, Yensa ayéjem akeng
k'adék imbi Sol. Kanda Yensa afak atéekin
Ananias h'ayikne imbi Sol.

Jantenteŋ Gúloku Díino.

¹⁵ Ananias balóbi nim Umuyhintor
ayéjem:

- Oo kanda déker maro me
icaabenemcaaben ki k'adék aséediya
a nintiku me imbi siyeŋeŋo adúkoŋo

ingi imbi ñammaasaño. Ifak
íbuuñhunom imbi jamanku Israyel.
¹⁶ Me íteekinkinem h'ayikhinemne
ingi n'ayokunehne a gurethum. Inini,
déker ba na!

(Acts 9:15-16)

Angu Yensa atéekinteekin Ananiyas mara
acaabencanaaben Sol k'aguy údoolhánom.
Abúuñhunom a siyen alabahiyen
k'atéekineeniñ kúmbuuñaamo kúnsuuminno
a gubaarhu Yensa. Haani ñammaasaño, Sol
atéekinkineeniñ Kúmbuuñaamo
Kúnsuuminno.

Inini, Ananiyas, hóge akankáneh ho Yensa
atéekinemne?

Jantenten Gúloku Díino.

¹⁷ Angu Ananiyas bayennehini hómár adék ba a dígo no Sol akucunaane alahuntam na, k'adooh halakánam alóbundom. Balóbundem halakánam ayéjem:

- Údonkum Sol, Yensa Umuyhintor m'úfegne a binaalo f'onjayirne hadéko, úmár abúuñureemne a binankan. Úmár ayéjne ídeker ílobundo halakum k'upiren úfeg, ingi faka k'akucunduto Jamméejhinem Jarenninno arumun a binankan.

¹⁸ Angu Ananiyas balóbi nim akaan iniman jayer anenuntne ígihu Sol k'angu afég. Akeng k'anyicem a gurethu Yensa. ¹⁹ Banyicem mees

ayaahála. Bayaahálay arinkinem
aṇooliner.

(Acts 9:17-19)

Angu, Ananiyas, haani n'abenuhne,
akankaan ho Yensa atéekinemne. Adék imbi
Sol. Bapúti afég mara marigeno, Sol
afiyumfiyum Yensa. Ahuyom, «Údonkum
Sol.» Sol, n'afiyumne Yensa asíibáásiib
k'ayicaa a gurethu Yensa. Angu Ananiyas
ayicem.

Jantenteṇ Gúloku Díino.

Afúrumi na, Sol adék annooh Damas
ingi ñanfiyunku Yensa buruhu
ásibaṇ. ²⁰ Maṇ fam gatoṇne
bukawandino a jaameṇeṇo.
Atéekineh jamaṇo maro Yensa
agune Úbáku Díino. ²¹ Angu jamaṇo

banyennehini n'alóbohne abineenin
nip anyéjeh:

- Je! Eke Sol, úmár agune
m'aféghinehne ñamhu Jerusalem
m'ankiinahne Díino a gurethu
Yensa? Hom úmár? Faka ba
gulakánin gadékuntne k'adékireenin
ba imbi ñanlaameku alimaamaño.

Nim jamaño ganlóbohne. ²² Angu Sol
f'anane bukawandino, galóbi,
gúlokunom afañunum n'ayik sembe.
Adoodooh Hañaañeno k'ajellihin
Ñanyahudo m'angune Damas maro
Yensa ingine Umaasaño Mu Díino
Acaabenne fo arennumeenin fet, ki
dampiren añop. ²³ Adékiidek,
ásibañ alabahi bawusunay andék

ankaan janf ba bubujhunom.

²⁴ Kanda ayik m'ajoofunom ayéjem:

- (Immi ankankaan janf ba
bubujhon.) Jamaño imme na n'anḡay
bukoroshu barukumbanku saariño
jaket báárig ki aji anfégen n'úfur
anlaho ambujo.

²⁵ Angu abári jaketo ñantaalibehu
Sol andooh datehelo k'anjubun na
Sol k'annéebin sinkindo. Bankaani
nim anlibilinem a sínlodo s'adóorlane
bukooro k'ankucunom a gulibilino
gúduko. Nim Sol apahorumne
aḡoolin ba Jerusalem.

²⁶ Angu, Sol bapúti bim Jerusalem
asíiba k'ambabay ingi ñantaalibehu
Yensa. Kanda ñantaalibehu Yensa

fiyundom. Ambenihembenuh.

²⁷ Úmánduk afiyumemne na, úmár
agune Baranabas. Angu Baranabas
adoohom k'andék ba imbi
ñambúuñuraño. Bampút,
ajellihineeniñ Sol k'atífureeniñ maro
Sol anfégayfegay ingi Umuyhintor
f'anane hadéko ba Damas ki
Umuyhintor abúuñantam.

Atéekineeniñne ni Sol akawandinne
jamanku Damas a gurethu Yensa ki
gañay kawando gara anáknákáh ni
gara adéwuneh. ²⁸ Angu fo
Baranabas atéekineeniñne h'ayikne
imbi Sol ingi ho Sol akanne,
ñanfiyunku Yensa mi Jerusalem
anlóki k'ambabay ingi úmár. Sol
gakawandinekawandin jamaño a

gurethu Umuyhintor ni gara
anáknákáh. ²⁹ Afak adék imbi
Ñanyahudo m'anlóbohne gugáreko
k'akawandineeniḡ gu Yensa.
Gandéegayedeeḡay fanfanḡ f'andék
anlah ba bujanfahánam k'ambujom.
³⁰ Índoonenenkinem ñanfiyunku
Yensa banyennehini maro ayikyik
m'ansíiba bubujhunom andékirem ba
a pooro n'agune a bukooro
b'aretuhne Sesare k'anyéjem adooh
batoḡo agír a bukooro b'aretuhne
Tarsu. K'angu nim gakanne. Adooh
batoḡo k'alibila jakaamo adék ba
Tarsu.

(Acts 9:19-30)

Angu Sol aḡoolinḡoolin a bukooro

b'akunaane, bukooro b'aretuhne Tarsu.
Anjantinjantin ingi Israyel. Añantay alibila
jakaamo adénno k'apút Tarsu. Angu, na
gakaasane.

Kanda ayikyik bísiba, Sol anjoolinjoolin ba
Jerusalem. Damiñ ínfekunon h'awusunane
fo Sol anjoolinne Israyel. Úfekinej ho Díino
akanne a gúbidhu Sol. Fam Sol asíibáásiib
bukoomunku m'anfiyumne Yensa. Kanda
inini asíibáásiib ki jamaño nip a duniyaño
anfiyum Yensa k'antifilinem mara inini
apápájul mara Yensa ingine Úbáku Díino.
Díino akengunemkengun a biniironjo. Úmár
ingine Umuyhintor. Úmár ingine upahunku
jamaño.